

Broj: 01-11-12-1294-10/24
Sarajevo, 21.08.2024. godine

Na temelju člana 70. Zakona o javnim nabavkama („Službeni glasnik BiH”, br. 39/14, 59/22 i 50/24), Plana nabavki Federalne uprave za geodetske i imovinsko-pravne poslove, broj: 01-11-12-399/24 od 22.02.2024. godine, Odluke o pokretanju otvorenog postupka javne nabavke usluga - „Održavanje server sobe i data centra“, broj: 01-11-12-1294/24 od 28.06.2024. godine, te preporuke Komisije za javnu nabavku, date u Zapisniku o ocjeni ponuda, broj: 01-11-12-1294-9/24 od 07.08.2024. godine, direktor Federalne uprave za geodetske i imovinsko-pravne poslove d o n o s i

O D L U K U

o izboru najpovoljnijeg ponuđača za javnu nabavku usluga – „Održavanje server sobe i data centra“

I

Prihvata se preporuka Komisije za provođenje otvorenog postupka javne nabavke usluga - „Održavanje server sobe i data centra“, data u Zapisniku o ocjeni ponuda, broj: 01-11-12-1294-9/24 od 07.08.2024. godine, da se kao prihvatljiva i najpovoljnija prihvati ponuda ponuđača IT Systems d.o.o. Sarajevo.

II

Ponuđaču IT Systems d.o.o. Sarajevo, u skladu sa Ponudom, broj: 01-775/2024 od 10.07.2024. godine, i konačnom cijenom ponude nakon E-aukcije u iznosu od 30.500,00 KM bez PDV-a, odnosno u ukupnom iznosu od 35.685,00 KM sa PDV-om, nakon pravosnažnosti ove Odluke dostavit će se prijedlog okvirnog sporazuma za javnu nabavku usluga - „Održavanje server sobe i data centra“.

III

Poziva se izabrani ponuđač IT Systems d.o.o. Sarajevo da u roku od pet (5) dana od dana prijema ove Odluke dostavi dokaze iz tačke 5.1.4. tenderske dokumentacije kao originale ili kod nadležnog organa ovjerene fotokopije, a koji se tiču lične sposobnosti ponuđača iz člana 45. Zakona o javnim nabavkama.

IV

Ova Odluka dostavit će se svim učesnicima u predmetnom postupku nabavke u roku od tri (3) dana, a najkasnije u roku od sedam (7) dana od dana donošenja, preporučenom poštom ili neposredno.

V

U skladu sa odredbama člana 99. i člana 101. Zakona o javnim nabavkama, protiv ove Odluke može se uložiti žalba u roku od deset (10) dana od dana zaprimanja.

Žalba se podnosi Uredu za razmatranje žalbi putem ugovornog organa u pisanoj formi direktno ili preporučenom poštanskom pošiljkom.

Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).

VI

Ova Odluka stupa na snagu danom donošenja.

Obrazloženje

Na temelju Zakona o javnim nabavkama („Službeni glasnik BiH”, br. 39/14, 59/22 i 50/24) i Plana nabavki za 2024. godinu, broj: 01-11-12-399/24 od 22.02.2024. godine, Federalna uprava za geodetske i imovinsko-pravne poslove (u daljem tekstu: ugovorni organ) je Odlukom o nabavci, broj: 01-11-12-1294/24 od 28.06.2024. godine, pokrenula otvoreni postupak javne nabavke usluga - „Održavanje server sobe i data centra“, za koji je na web Portalu Agencije za javne nabavke BiH objavila tendersku dokumentaciju i Obavještenje o nabavci, broj: 399-1-2-20-3-25/24 od 28.06.2024. godine.

Postupak je provela Komisija za javnu nabavku (u daljem tekstu: Komisija) imenovana Rješenjem direktora Federalne uprave za geodetske i imovinsko-pravne poslove, broj: 01-11-12-1294-1/24 od 28.06.2024. godine, koja je o istom sačinila Zapisnik o zaprimanju ponuda, broj: 01-11-12-1294-4/24 od 18.07.2024. godine, Zapisnik o otvaranju ponuda, broj: 01-11-12-1294-5/24 od 18.07.2024. godine i Zapisnik o ocjeni ponuda, broj: 01-11-12-1294-9/24 od 07.08.2024. godine.

U skladu sa tenderskom dokumentacijom i Obavještenjem o nabavci sa web Portala Agencije za javne nabavke BiH, dana 18.07.2024. godine u 10:30h, na adresi ovog ugovornog organa, uz prisustvo predstavnika ponuđača Logosoft d.o.o. Sarajevo gđe Mirele Sofić i gđe Vernese Krivce, izvršeno je javno otvaranje blagovremeno dostavljenih ponuda, i to ponuda (po redoslijedu zaprimanja):

- 1) IT Systems d.o.o. Sarajevo
- 2) Comtrade System Integration d.o.o. Sarajevo
- 3) Logosoft d.o.o. Sarajevo
- 4) Artco Group d.o.o. Sarajevo

Po predmetnom nadmetanju, Komisija je konstatovala da su do roka utvrđenog tenderskom dokumentacijom i obavještenjem o nabavci dostavljene ukupno četiri (4) ponude, i to ponude naprijed navedenih ponuđača.

Na početku procesa evaluacije zaprimljenih ponuda, a u kontekstu procijenjene vrijednosti nabavke, ustanovljeno je da se sve četiri ponude uklapaju u procijenjenu vrijednost nabavke ove vrste usluga, odnosno da su tri ponude su u iznosu su koji je skoro identičan procijenjenoj vrijednosti nabavke, dok je ponuda ponuđača Comtrade System Integration d.o.o. Sarajevo nešto niža u odnosu na procijenjenu vrijednost nabavke, te ostale tri ponude.

Detaljnim pregledom i analizom zaprimljenih ponuda, Komisija je utvrdila da su sve četiri ponude dostavljene na način kako propisuje tenderska dokumentacija, ali su jedino ponude ponuđača IT Systems d.o.o. Sarajevo i Comtrade System Integration d.o.o. Sarajevo ispunile sve formalno-pravne uslove predviđene tenderskom dokumentacijom, dok međutim ponude ponuđača Logosoft d.o.o. Sarajevo i Artco Group d.o.o. Sarajevo nisu ispunile određene uvjete na način kako to propisuje tenderska dokumentacija, odnosno iste sadržavaju nepravilnosti koje je Komisija ocijenila kao neprihvatljive u odnosu na tendersku dokumentaciju.

S tim u vezi, a u skladu sa članom 2. stav (1) tačka I) Zakona o javnim nabavkama, Komisija je zaključila sljedeće:

1. Ponuda ponuđača Comtrade System Integration d.o.o. Sarajevo je ocjenjena kao **prihvatljiva**, obzirom da je u istoj dostavljena sva obligatorna dokumentacija, kao i svi kvalifikacijski dokazi prema uslovima tenderske dokumentacije, te ponuda nije sadržavala formalno-pravne nedostake u odnosu na tendersku dokumentaciju koji bi eventualno bili razlog za odbacivanje iste, pa je ista uvršetna u postupak E-aukcije;
2. Ponuda ponuđača IT Systems d.o.o. Sarajevo je ocjenjena kao **prihvatljiva**, obzirom da je u istoj dostavljena sva obligatorna dokumentacija prema uslovima tenderske dokumentacije, te ponuda nije sadržavala formalno-pravne nedostake u odnosu na tendersku dokumentaciju koji bi eventualno bili razlog za odbacivanje iste, pa je ista uvršetna u postupak E-aukcije;
3. Ponuda ponuđača Logosoft d.o.o. Sarajevo je odbijena kao **nepravilna**, obzirom da nije u skladu sa tenderskom dokumentacijom. Analizom navedene ponude, Komisija je uočila sljedeći nedostatak i propust:
 - U ponudi, uz izjavu iz člana 45. Zakona, nedostaju obične kopije dokaza kojima se dokazuje lična sposobnost ponuđača, kako je jasno propisano tačkom 5.1.3. tenderske dokumentacije;
4. Ponuda ponuđača Artco Group d.o.o. Sarajevo je odbijena kao **nepravilna**, obzirom da nije u potpunosti u skladu sa tenderskom dokumentacijom. Analizom navedene ponude, Komisija je uočila sljedeći nedostatak i propust:
 - U ponudi, uz izjavu iz člana 45. Zakona, nedostaju obične kopije dokaza kojima se dokazuje lična sposobnost ponuđača, kako je jasno propisano tačkom 5.1.3. tenderske dokumentacije;

U odnosu na prethodno navedeno, Komisija je na kraju postupka evaluacije ponuda zaključila da se u slučaju ponuda ponuđača Logosoft d.o.o. Sarajevo i Artco Group d.o.o. Sarajevo radilo o povredama člana 57. stav (1) i člana 68. st. (1) i (4) tačka i) Zakona o javnim nabavkama, odnosno da se odbijeni ponuđači u navedenom dijelu nisu pridržavali citiranih zakonskih odredbi, te tačke 6.1.1. tenderske dokumentacije kojom je propisano da „*Ponuđači su obavezni da pripreme svoje ponude u skladu sa kriterijima i uslovima koji su utvrđeni u TD.*“, te su iz navedenih razloga ponude ponuđača Logosoft d.o.o. Sarajevo i Artco Group d.o.o. Sarajevo ocjenjena kao nepravilne u odnosu na tendersku dokumentaciju, a sve u kontekstu odredbe člana 2. stav (1) tačka I) pod 3) Zakona o javnim nabavkama.

Tačkom 3.7. tenderske dokumentacije ovaj ugovorni organ je propisao održavanje postupka E-aukcije putem sistema E-nabavke, te je ista održana dana 22.07.2024. godine, sa početkom u 09:30h, i u zakazanom trajanju od 30 minuta, gdje su kao učesnici prijavljeni ponuđači Comtrade System Integration d.o.o. Sarajevo (kao cjenovno prvorangirana početna ponuda) i IT Systems d.o.o. Sarajevo (kao cjenovno drugorangirana početna ponuda).

Tokom postupka E-aukcije, oba ponuđača su aktivno podnosila nove, snižene ponudu u odnosu na svoje početne ponude, te je po okončanju postupka E-aukcije konstatovano da je najnižu cijenu podnio ponuđač IT Systems d.o.o. Sarajevo, sa konačnom cijenom ponude u iznosu od 30.500,00 KM bez PDV-a, koja ponuda je u sistemu E-nabavke konstatovana kao prvorangirana, dok je ponuda ponuđača Comtrade System Integration d.o.o. Sarajevo završila kao drugorangirana sa konačnom cijenom ponude u iznosu od 30.600,00 KM bez PDV-a.

Tačkom 10. Zapisnika o ocjeni ponuda, broj: 01-11-12-1294-9/24 od 07.08.2024. godine, kao i u Izvještaju o toku i završetku E-aukcije prikazani su učesnici aukcijskog nadmetanja, tok i trajanje postupka E-aukcije, te konačne cijene i rang lista podnesenih ponuda, odnosno ponuđača.

U postupku donošenja ove Odluke, a imajući u vidu sve navedene okolnosti i utvrđene činjenice u postupku evaluacije zaprimljenih ponuda, prihvata se preporuka i obrazloženje Komisije, dato u Zapisniku o ocjeni ponuda broj: 01-11-12-1294-9/24 od 07.08.2024. godine, da se za najuspješniju ponudu za javnu nabavku usluga - „Održavanje server sobe i data centra“, a nakon održane E-aukcije, prihvati ponuda ponuđača IT Systems d.o.o. Sarajevo, a koja ponuda je u odnosu na kriterij za dodjelu okvirnog sporazuma iz tačke 3.6. tenderske dokumentacije, ocijenjena kao prihvatljiva, formalno-pravno i tehnički kvalifikovana, sa konačnom cijenom ponude u iznosu od 30.500,00 KM bez PDV-a, odnosno u ukupnom iznosu od 35.685,00 KM sa PDV-om.

U analizi provedenog postupka, ugovorni organ nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Na prijedlog Komisije, ovaj ugovorni organ je odlučio kao u dispozitivu ove Odluke.


DIREKTOR
Željko Obradović, dipl.ing.geod.

Prilozi:

- Zapisnik o ocjeni ponuda
- Izvještaj o toku i završetku E-aukcije

DOSTAVITI:

1. IT Systems d.o.o. Sarajevo;
2. Comtrade System Integration d.o.o. Sarajevo;
3. Logosoft d.o.o. Sarajevo;
4. Artco Group d.o.o. Sarajevo;
5. Sektor za geoinformatiku - o v d j e;
6. U spis.